

玄靈轉經午朝行道儀

法事如式

各禮師存念如法

請宣神呪

太上玄一九皇吐精 三五七變 洞觀幽冥

日月垂光 下徹神庭 俠照六合 太一皇寧

帝君金闕 金書不傾 五老奉符 天地同成

使我無感 以致真靈 却過萬邪 禍害咸平

上朝天皇 還老返嬰 大帝有制 百神敬聽

鳴法鼓二十四通

無上三天玄元始三炁太上老君召出臣身

中三五功曹左右官使者左右捧香驛龍騎

吏侍香童童傳言散花玉女五帝直符直日

香官各三十六人出出者嚴裝顯服冠帶垂

纓關啓玄壇土地方域神真臣今午景升壇

行道朝謁帝真欽奉 其諸丹悃具載纖膾

願得

太上至真道炁靈寶瑞光下降流入臣等身

中今臣所啓之誠速運徑御

至真無極大道三清上聖紫微北極大帝北

斗九皇星君御前

請稱法位

具位臣姓某與隨壇官眾等謹闕儀上啓

太上無極大道斗極祖師元始天尊斗極玄

師靈寶天尊斗極宗師道德天尊昊天玉皇

上帝紫微天皇帝北極紫微大帝斗中高

上玉皇尊星君太微玉帝北極玄卿大帝君

北斗天英貪狼木星君北斗天任巨門元星

君北斗天樞祿存真星君北斗天心文曲紐

星君北斗天禽廉貞綱星君北斗天輔武曲

紀星君北斗天衝破軍關星君北斗洞明左

輔星君北斗隱光右弼星君九皇夫人九陰

內妃天罡萬真節度奎光帝君斗中三台華

蓋星君當生本命星君南極老人壽德星君

上清福德星君上清得德星君帝座照臨星

宰二十八宿星君六十甲子星君道德玄曹

官君聖眾玄中大法師真君三天大法師真

君中天九省諸相文人左右繡衣使者四直

玉文功曹通事舍人斗中十乘萬騎一切真

靈恭望洪慈洞回胎鑿臣聞十政儲精一元

慶象虛無妙炁生神寶於赤明圓滿化身說

真經於永壽為衆生而設教仰大聖以通靈

惟陰陽妙幹於權衡而禍福悉由於主宰臣

等方壇綴武左藉登名期頌贊於真風廣開

明於慧日踊躍修奉誓願流行以今欽奉

綸音崇修金錄巨等恪遵妙訓夙奉明科酌

水獻花建瑤壇而請命延生注福扣玉闕以

馳神諒葑菲之不遺監葵藿之有造以今午

朝陞壇行道請法眾等運香初捨上香願此

香煙騰空徑上供養

無上至真道寶大羅元始天尊紫微上官天

皇大帝玉斗二帝九皇星君清微天宮真仙

聖眾巨等飯身飯神飯命首體役地仰依

太上三尊十方眾聖願以是香功德上祝

皇帝陛下伏願道契兩儀德涵四象常清常

靜八荒宣玉燭之和同軌同文六合慶金標

之瑞今故燒香自皈依

師事大聖眾至真之德得道之後保天長存

和與道合真

以今午朝陞壇行道請法眾等運香二捨上

香願此香煙騰空徑上供養

至真無上經寶王宸道君靈寶天尊紫微中  
宮北極大帝當生本命元辰星君帝座照臨  
星宰禹餘天宮真仙聖眾臣等皈身皈神皈  
命首體投地仰依

太上三尊十方眾聖願以是香功德上祝  
皇太子殿下伏願青沐太和涵濡景運龍蟠  
日永來浩浩之福源鶴禁春融集穰穰之喜  
氣今故燒香自皈依

師尊大聖眾至真之德得道之後保天長存  
和與道合真

以今午朝陞壇行道請法眾等運茲三檢上  
香願此香煙騰空徑上供養  
至真無上師寶五靈玄老道德天尊南極老  
人壽德星君上清福德星君上清祿德星君

大赤天宮真仙聖眾臣等皈身皈神皈命首  
體投地仰依

太上三尊十方眾聖願以是香功德歸流九  
州四海萬姓三農伏願神風被冒愛日薰陶  
老安少懷田野被無為之化耕食黎飲豆閭

歌有道之長今故燒香自皈依

師尊大聖眾至真之德得道之後永保長存  
和與道合真

三皈依

經

志心皈依十方道寶當願眾生起心回向一切信禮  
師 普上法橋無有障礙

宿命贊

臣等謹按經云三元八節本命元辰北斗下  
日嚴置壇場轉經齋醮依儀行道其福無邊  
以今欽奉

論音崇修金錄祝壽延禧臣等謹率在壇清  
眾轉誦太上玄靈北斗本命延生真經各一  
過上祝

中天大聖第四遊學府天心文曲玉晨君乞  
為削落西北乾位六白阪管降星分野一切  
之危仰希於軫俯賜允俞臣等不勝激切之  
至修行經法

數座贊

題經

誦經畢

解座贊

臣向來祗率清眾陞壇行道上祝

聖壽萬安轉誦太上玄靈北斗本命延生真  
經各一過並已周圓恭望福壽資命甚果臻  
身人各運誠旋行讚詠

步虛引至西北上方香旋行復位

七元覆護天尊

臣等謹按經云可以酌水獻花冥心望北極  
猶首禮拜念本命真君名號亦不虛過本命  
限期皆得延生注福繫係人身災危錫除獲  
福無量以今欽奉

論音崇修金錄祝壽延禧臣等謹率在壇清  
眾轉誦太上玄靈北斗本命延生真經各一  
過上祝

中天大聖第五斗君府天禽廉貞玉晨君乞  
為削落中官五黃分野一切之危仰希於軫  
俯賜允俞臣等不勝激切之至修行經法

數座贊

題經

誦經畢

解座贊

臣等向來祇率清眾陞壇行道上祝

聖壽萬安轉誦太上玄靈北斗本命延生真經各一過並已周圓恭望福壽資命善果臻

身人各運誠旋行讚詠

步虛引至中宮上香旋行復位

大慈延壽天尊

臣等謹按經云於是真君名號不可得聞凡有見聞能持誦者皆道心深重宿有善緣其功德力莫可稱量以今欲奉

輪音崇修金錄祝壽延禧臣等謹率在壇清眾轉誦太上玄靈北斗本命延生真經各一過上祝

中天大聖第六太常府天輔武曲玉晨君乞為削落東南巽位四君壽星躡首分野一切之危仰希矜軫俯賜尤俞臣等不勝激切之至修行經法

數座贊  
題經

誦經畢

解座贊

臣等向來祇率清眾陞壇行道上祝

聖壽萬安轉誦太上玄靈北斗本命延生真經各一過並已周圓恭望福壽資命善果臻

身人各運誠旋行讚詠

步虛引至東南方上香旋行復位

三聞經

聞經已後當頌

發願

存神燒香

香官使者左右龍虎君侍者諸靈官當令臣向未午朝轉經行道之所自然生金液丹君芝英百靈眾真交會在此香火錢前當願丹誠感格滿脫階數

聖壽萬安  
皇圖永固十方仙童玉女接待蘭煙傳臣向來所奏之誠速達徑御

至真無極大道三清上聖紫微北極大帝北

斗九皇星君御前

出堂頌

玄靈轉經午朝行道儀